



Sud Bosne i Hercegovine
Суд Босне и Херцеговине

Broj: S1 3 P 038099 20 Iž
Sarajevo, 26.10.2020. godine

Sud Bosne i Hercegovine, u drugostepenom vijeću sastavljenom od sudija Dinke Bešlagić Čovrk kao predsjednika vijeća, Vesne Trifunović i Srete Crnjaka kao članova vijeća, odlučujući o žalbi Nedžada Muminovića sa boravkom u Italiji 20014 Nerviano Indipendenza 29, koji osporava odluku Centralne izborne komisije BiH broj 05-1-07-1-998/20 od 01.10.2020. godine o odbijanju upisa u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine, u nejavnoj sjednici, održanoj dana 26.10.2020. godine, donio je

R J E Š E N J E

Žalba se odbija.

O b r a z l o Ź e n j e

Odlukom Centralne izborne komisije Bosne i Hercegovine broj i datum navedeni u uvodu, odbijen je upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine po podnesenim prijavama do 01.09.2020.godine jer nisu ispunjeni uslovi propisani odredbom člana 3.15 stav 1, 2 i 3 Izbornog zakona Bosne i Hercegovine.

Navedenom odlukom odbijena je prijava Nedžada Muminovića koji je blagovremeno izjavio žalbu u kojoj je naveo da je njegova prijava za glasanje izvan BiH odbijena jer je greškom dostavio nevažeću ličnu kartu, stoga u prilogu dostavlja važeću ličnu kartu.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana jer je žalitelj uz prijavu za glasanje izvan BiH nije dostavio zakonom propisani dokaz o identitetu.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Pravilna je i zakonita odluka Centralne izborne komisije BiH kojom je odbijena prijava Nedžada Muminovića za upis u izvod iz Centralnog biračkog spisa za glasanje izvan Bosne i Hercegovine jer imenovani uz prijavu nije dostavio važeći identifikacioni dokument. Time nisu ispunjeni uslovi propisani članom 3.15. stav 1 Izbornog zakona (Sl. glasnik BiH br.23/01 sa izmjenama) da se državljanin Bosne i Hercegovine koji privremeno živi u inostranstvu, nađe na izvodu Centralnog biračkog spiska za glasanje van zemlje budući da član 5.12 stav 4 istog zakona propisuje da je važeća lična isprava za birače, lična karta, pasoš i vozačka dozvola.

Centralna izborna komisija Bosne i Hercegovine u osporavanom rješenju pravilno je utvrdila činjenicu da žalitelj uz prijavu za glasnja izvan BiH nije dostavio važeći zakonom propisani dokument o identitetu. Uz prijavu priložena lična karta Bosne i Hercegovine kojoj je istekla važnost 20.08.2017. godine, ne smatra se dokazom o identitetu predviđen Izbornim zakonom, te je prilikom odlučivanja CIK BiH pravilno primjenio zakonsku odredbu koja propisuje uslove za prihvatanje prijave za glasanje van BiH.

Naknadno uz žalbu dostavljena važeća lična karta nema uticaja na pravilnost odluke, budući da je donesena cijeneći dokumentaciju dostvarejnu do isteka roka za podnošenje prijave.

Predmetnom odlukom žalitelju nije uskraćeno biračko pravo jer se, shodno odredbi člana 3.16 stav 2 citiranog zakona, nalazi u izvodu iz Centralnog biračkog spiska za glasanje u osnovnoj izornoj jedinici u kojoj ima prebivalište u Bosni i Hercegovini.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA
SUDIJA**

Dinka Bešlagić Čovrk